

**APAKAH YANG DIMAKSUDKAN  
DENGAN PENDERAAN SEKS  
KANAK-KANAK**

u.m'sia m/s 3


26.9.07

● **PENDERAAN** seks kanak-kanak berlaku apabila seseorang, sama ada tua atau muda, lelaki atau perempuan, menggunakan kanak-kanak untuk memuaskan nafsu seksnya. Ia boleh melibatkan paksaan, penipuan atau ancaman ke atas kanak-kanak untuk melakukan aktiviti seks. Penderaan seks boleh berlaku dalam bentuk fizikal. Penderaan seks boleh berlaku dalam bentuk fizikal atau bukan fizikal dan boleh meliputi satu rangkaian perilaku seks termasuk: Persetubuhan melalui faraj atau dubur, memasuki objek di dalam faraj, mulut atau dubur, seks oral, penganian antara kanak-kanak dengan pendera dan sebagainya.

**SIAPA YANG MUDAH TERDEDAH  
KEPADA PENDERAAN SEKS?**

● **SEBARANG** kanak-kanak tanpa sekatan umur atau ras berpotensi menjadi mangsa penganiayaan seks. Ia boleh terjadi di kalangan keluarga miskin, kelas menengah atau kaya. Penderaan seks boleh berlaku di mana sahaja dan pada bila-bila masa sahaja, baik pada kanak-kanak normal mahupun kurang upaya.

Mengikut Akta Kanak-kanak 2001, 'kanak-kanak' merupakan seseorang yang berusia di bawah 18 tahun.



**Mengikut Akta Kanak-kanak 2001,  
'kanak-kanak' merupakan seseorang  
yang berusia di bawah 18 tahun**

## SIAPA YANG MENDERA KANAK-KANAK

**LELAKI** atau perempuan tua atau muda kadang kala orang yang dikenali. Biasanya seorang yang dikenali atau rapat dengan mangsa mereka kelihatan bersopan dan boleh dipercayai

## BAGAIMANA ANDA BOLEH MENGETAHUI SEKIRANYA SEORANG KANAK-KANAK ITU MENGALAMI PENDERAAN SEKS?

- Enggan pergi ke sekolah atau prestasi pelajaran menurun.
- Tingkahlaku yang agresif atau cemas (contoh melarikan diri).
- Mengigau, tidur yang terganggu, takut pada kegelapan, takut pada orang atau tempat tertentu.
- Memakai banyak lapisan pakaian.
- Cenderung untuk bunuh diri.
- Rendah harga diri.
- Murung.
- Gangguan pemakanan
- Penagihan dadah atau mencederakan diri sendiri.
- Tingkah laku yang menjurus kepada seks atau takut pada seks.
- Kencing malam atau menghisap ibu jari terutama kanak-kanak yang lebih tua.
- Gejala fizikal seperti penyakit kelamin atau mengandung, menarik diri dari aktiviti sosial yang biasa mereka sertai.

## TALIAN BANTUAN

- Persatuan Pergerakan Wanita (AWAM) - 03-7888 4221
- Pertubuhan Pelindungan Dan Penyelamat Kanak-Kanak Selangor dan Kuala Lumpur (P.S. The Children) - 03-7784 4344/55
- Pertubuhan Pertolongan Wanita (WAO) - 03-7957 5068

# Bantu ibu bapa didik anak

**PENINGKATAN** bilangan laporan-laporan akhbar mengenai kes-kes jenayah yang membabitkan penderaan dan pembunuhan ke atas kanak-kanak dan wanita semakin ketara justeru mencetuskan kebimbangan mengenai tahap keselamatan di negara ini.

Begitu juga peningkatan dalam kes-kes membabitkan gejala sosial seperti remaja lari dari rumah, kelahiran anak di luar nikah dan gejala seksual yang juga semakin meruncing.

Ketua Wanita Pertubuhan Jamaah Islah Malaysia (JIM), Prof. Madya Dr. Harlina Halizah Siraj berkata, semua pihak perlu melihat semula Pelan Integriti Nasional (PIN) yang dilancarkan oleh Perdana Menteri pada 24 April 2004 yang turut meliputi agenda khusus untuk keluarga.

Menurutnya, antara sebahagian objektif pelan tersebut ialah membangunkan keluarga dan insan berintegriti melalui pembinaan keluarga bahagia.

Di samping itu, ia juga menekankan aspek peningkatan integriti dalam pengurusan kesihatan jasmani dan rohani dan pemantapan nilai-nilai murni sebagai asas pembentukan identiti.

Namun menurut beliau, apa yang sedang berlaku tidak sama sekali menggambarkan keberkesanan pelaksanaan agenda tersebut.

Fenomena remaja lari dari rumah merupakan satu indikator atau petunjuk yang menandakan terdapatnya masalah yang serius dan kronik di dalam institusi keluarga di Malaysia.

“Seperti biasa, ibu bapa sering dipersalahkan dan diminta memastikan anak-anak boleh dikawal dan dididik dengan sempurna.

“Sementara para ibu bapa pula seolah-olah tidak terdaya lagi menangani kerenah dan gelagat anak-anak yang begitu mencabar keupayaan keibubapaan mereka, lantas memindahkan (*displaced*) tanggungjawab mengajar anak-anak kepada tindakan penguat kuasa undang-undang dan pihak berwajib,” katanya.

Beliau berkata, apa yang perlu ditekankan, ibu bapa hari ini perlu diberikan bantuan untuk membesarkan anak-anak mereka menjadi manusia berguna.

Bantuan yang dimaksudkan adalah menerusi bentuk, ilmu keibubapaan yang tinggi, sentiasa terbuka kepada teguran dan bimbingan mereka yang lebih berpengalaman dan berusaha memperbaiki kesilapan dengan

kadar segera.

Tambah Dr. Harlina, ibu bapa yang mempunyai anak-anak remaja, mestilah dibimbing untuk mempelajari cara berkomunikasi dan berinteraksi yang bijak dengan anak-anak mereka.

“Pihak berwajib pula mestilah memberikan insentif, galakan, ruang dan peluang yang luas untuk para ibu bapa meningkatkan pengetahuan keibubapaan mereka. Media massa menjadi wahana paling sesuai untuk mendidik para ibu bapa mengenai ilmu-ilmu keibubapaan yang asas dan perlu.

Menurut Dr. Harlina, selain bentuk ilmu, bantuan berbentuk sokongan masyarakat dan kejiranan mestilah diperkukuh segera, agar tanggungjawab mendidik anak-anak dipikul bersama.

Seperti satu pepatah Inggeris ‘*It's take a whole village to raise a child*’ (Ia melibatkan satu kampung untuk mendidik seorang anak)

“Mengikut logik, bagaimana mungkin ibu bapa membina nilai-nilai murni di rumah, sedangkan dalam sekelip mata, nilai-nilai itu hancur luluh apabila anak-anak berinteraksi di luar rumah.

Unsur-unsur yang merosakkan jati diri anak-anak muda seperti pergaulan bebas, hiburan pesta tanpa batas, parti arak, dadah serta pil khayal juga budaya sam-seng, rempit, bohsia mestilah ditangani dengan tegas dan segera,” jelas beliau.

Dr. Harlina juga suka mengingatkan ibu bapa yang anak mereka pernah lari dari rumah, perlu diberikan panduan dan sokongan yang padu untuk menangani masalah yang ada dengan efektif bagi mengelakkan kejadian yang sama berulang semula.

“Memandangkan kajian menunjukkan remaja yang pernah lari dari rumah sering kali lari lagi pada masa hadapan, wanita JIM meminta komitmen tegas semua pihak terutamanya pihak berwajib untuk meletakkan keutamaan kepada agenda meningkatkan integriti institusi keluarga di negara ini dengan kadar yang segera,” tambah beliau.



PROF. MADYA DR. HARLINA  
HALIZAH SIRAJ